

UCAPAN PERDANA MENTERI DI UPACARA PELANCARAN RASMI SOCIAL SECURITY SCHEME DI DEWAN BAHASA DAN PUSTAKA, KUALA LUMPUR PADA 1HB JUN, 1972

Tuan Pengerusi¹, Yang Berhormat Menteri Buruh dan Tenaga Rakyat², Yang Berhormat Menteri-menteri, Tuan-tuan Yang Terutama, Saudara-saudara sekalian.

Terlebih dahulu, saya mengucapkan terima kasih kepada Y.B. Menteri Buruh dan Tenaga Rakyat kerana menjemput saya ke upacara pelancaran Social Security Scheme pagi ini dan seterusnya merasmikannya.

Saya suka juga pada kesempatan ini mengucapkan tahniah kepada Kementerian beliau, khasnya kepada Social Security Organisation ini, atas usahanya meletakkan Malaysia antara negara-negara yang mempunyai Sekim Keselamatan Sosial. Sepertimana dimaklum Social Security Scheme ini, di dalam bentuk atau lain, telah pun berjalan dalam lebih kurang 120 negara di seluruh dunia.

Oleh itu, kita di Malaysia tentulah berasa bangga kerana Malaysia dapat menyertai negara-negara tersebut dan membawakan faedah-faedah Keselamatan Sosial kepada rakyat.

Sepertimana kita maklum, Social Security Scheme adalah satu alat yang penting bagi menjamin industrial peace. Bagi negara yang sedang membangunkan indastri, Social Security Scheme merupakan faktor utama untuk mengekalkan economic growth serta menggalakkan productivity yang lebih tinggi.

Dengan berpegang pada social justice bagi faedah semua pihak, maka kejayaan Sekim ini menghendaki commitment serta perasaan tanggungjawab bersama dari Kerajaan, Majikan dan juga di pihak kaum pekerja.

¹ Encik Abdul Kadir bin Talib.

² Y.B. Tan Sri V. Manickavasagam.

Saudara-saudara sekalian,

Hari ini sungguh bersejarah bagi kita semua kerana Social Security Scheme ini mula dilancarkan. Peristiwa ini sudah pasti membawa natijah yang baik pada masa Kerajaan sedang ber-sungguh-sungguh melaksanakan Rancangan Malaysia Kedua yang bertujuan mencapai perpaduan negara dengan menghapuskan kemiskinan sambil mempercepatkan penyusunan semula masyarakat.

Sebagaimana yang kita semua tahu, Dasar Ekonomi Baru Kerajaan bertapak kepada economic growth yang pesat, membuka peluang-peluang pekerjaan yang lebih luas kepada rakyat serta menambahkan sumber-sumber pembangunan untuk negara.

Dalam pada kita menumpukan daya usaha untuk mencapai matlamat-matlamat pembangunan ekonomi, mustahklah kita menjamin adanya keadilan sosial atau social justice dalam cara pembahagian pendapatan dan peluang-peluang pekerjaan yang makin bertambah itu dengan cara yang lebih adil dan saksama. *There should be equitable sharing of income growth and also in the increasing opportunities or employment.*

Pada keseluruhannya, Rancangan Malaysia Kedua melibatkan investment berjumlah \$15,000 juta sehingga tahun 1975 untuk kedua-dua sektor awam dan swasta. Tidak syak lagi, matlamat utama Rancangan ini hendaklah dicapai dengan sepenuhnya oleh kerana hari depan bahkan survival kita sebagai sebuah negara yang progressive dan bersatu padu bergantung kepada kejayaan itu.

Dalam konteks inilah saya sungguh sukacita bahawa kita berjaya melancarkan Social Security Scheme hari ini. Kita sedar dan faham betapa pentingnya rancangan ini dalam perkembangan ekonomi negara dan juga kesannya kepada social policy negara. Sebenarnya, dalam beberapa negara yang maju, Social Security Scheme mempunyai tempat yang penting menentukan dasar-dasar ekonomi dan sosial negara-negara itu.

Faedah yang nyata mengenai Social Security Scheme ini ialah sebagai faktor utama untuk mendorong high rate of economic growth. Selain daripada peranannya dalam pembahagian pendapatan yang adil berdasarkan prinsip perpaduan negara—iaitu memberi mengikut kemampuan dan mengambil mengikut keperluan (give according to your needs) Scheme ini membawa effect

yang nyata ke atas pengeluaran iaitu hasil daripada tenaga kerja seseorang. Jelasnya, peranan Social Security Scheme adalah penting kepada ekonomi negara kerana menyediakan serta mengekalkan human capital sebagai salah satu sumber ekonomi negara.

Saudara-saudara sekalian,

Faedah-faedah lain dari Social Security Scheme di samping mempengaruhi kemajuan ekonomi, juga membawa kesan baik kepada dasar kesihatan dan kebajikan negara. Semua wang yang terkumpul dari Sekim ini disalurkan untuk mendirikan Social Security hospitals dan juga sebagai tabung bantuan kewangan untuk Pusat-pusat Latihan kakitangan perubatan. Begitu juga Pusat-pusat Kebajikan Masyarakat terutama pusat-pusat pemulihan akan mendapat munafaat dalam bentuk bantuan wang kepada pekerja-pekerja cacat yang dirawat di sana.

Dalam bidang perindustrian, Social Security Scheme merupakan satu anugerah kepada pihak majikan kerana, sebagaimana yang sedia dimaklum, Social Security akan menggalakkan kestabilan tenaga buruh dalam satu-satu perusahaan.

Tambahan pula, pekerja-pekerja yang mempunyai keyakinan dan harapan serta merasa selamat terhadap hari depan mereka menjadi asset kepada majikan-majikan kerana mereka akan berusaha dengan lebih tekun dan productive lagi. Tidak syak lagi, Social Security Scheme ini berupa indirect investment kerana mendorong kemajuan ekonomi yang positif dengan menambahkan lagi kecekapan pekerja-pekerja serta meningkatkan productivity mereka.

Selain dari pertimbangan-pertimbangan ekonomi dan sosial yang dikatakan tadi, Social Security Scheme mempunyai role yang lebih penting dalam menggalakkan dan menjamin kesihatan dan kebajikan pekerja-pekerja amnya.

Akta Keselamatan Sosial yang diluluskan oleh Parlimen ialah untuk munafaat kaum pekerja andaikata mereka mendapat kecederaan semasa menjalankan tugas masing-masing. Rawatan perubatan dan bantuan wang tunai yang disediakan dalam Sekim ini menjamin bahawa seseorang pekerja dan keluarganya akan mendapat bantuan tetap di masa ia dalam kesusahan di samping mendapat rawatan perubatan percuma sehingga ia sembuh kembali.

Tegasnya, Social Security Scheme ini boleh dianggap sebagai Piagam atau Charter yang menjamin masa depan yang lebih selamat dan lebih baik bagi kaum pekerja dan keluarga mereka.

Saya fikir inilah satu bukti yang nyata bahawa Kerajaan Perikatan mengambil berat tentang kebajikan rakyat termasuk kaum buruh. Kerajaan akan berusaha seberapa yang boleh supaya Sekim ini berjalan sepenuhnya untuk membawa kebajikan dan kesenangan kepada golongan yang berpendapatan rendah—low income group.

Saudara-saudara sekalian,

Bagaimana pun, saya ingin mengingatkan kaum pekerja bahawa Kerajaan tidak memberikan satu-satu keistimewaan tanpa menghendaki tanggungjawab dari pihak yang menerimanya. Dalam hal ini, tanggungjawab dan kewajipan saudara-saudara ialah memberikan khidmat yang terbaik supaya negara mendapat munafaat dari daya usaha saudara-saudara. Harus diingat bahawa kejayaan Social Security Scheme ini bergantung kepada kerjasama, sokongan dan penyertaan semua pihak yang berkenaan iaitu Employers, Workers, Medical Profession dan Kerajaan melalui Social Security Organisation.

Oleh yang demikian, saya sukacita mendapat tahu bahawa pihak majikan yang menanggung beban kewangan dalam Sekim ini memberikan sokongan mereka sepenuhnya. Saya juga gembira iaitu private medical practitioners memberikan sokongan mereka kepada Sekim ini. Tanpa penyertaan yang sepenuhnya dari kedua pihak ini, tentulah tidak mungkin kita melancarkan Sekim ini dalam tempoh yang begitu singkat.

Saya suka mengambil kesempatan ini mengucapkan terimakasih kepada semua pihak iaitu—majikan, pekerja, medical profession dan SOCSO—atas rasa persefahaman, dedikasi dan sokongan penuh yang mereka tunjukkan itu.

Sesungguhnya, Social Security Scheme ini adalah satu contoh kerjasama yang paling baik antara sektor swasta yang diwakili oleh pihak majikan dan sektor awam yang diwakili oleh SOCSO demi kepentingan kaum pekerja khususnya dan negara amnya.

Akhir kata, saya suka mengingatkan kepada semua bahawa kita hanya ada 1,270 hari lagi untuk menjayakan Rancangan Malaysia Kedua. Masa tidak menunggu kita lagi. Oleh itu, adalah mustahak

bagi kita semua, sama ada ahli-ahli politik, kakitangan-kakitangan Kerajaan, Majikan-majikan, dan Pekerja-pekerja, memahami matlamat-matlamat dan objektif-objektif Kerajaan dan melibatkan diri sepenuhnya dalam proses perubahan masyarakat dan pembangunan negara yang sedang berlaku sekarang ini. We must all regard this as a mission which must be successfully achieved.

Inilah satu cabaran yang mesti kita hadapi, peluang yang mesti direbut dan tanggungjawab yang mesti dipikul bersama. Dengan mula berjalannya Social Security Scheme ini membuktikan kesedaran di kalangan sebahagian besar rakyat—kaum majikan dan pekerja—melibatkan diri mereka sebagai rakan sepakat mengejar kemajuan untuk mereka dan untuk negara. Ini adalah suatu tanda yang baik bagi masa depan kita.

Saudara-saudara sekalian,

Saya dengan sukacitanya mengisytiharkan dengan rasminya pelancaran Social Security Scheme ini dan berharap rancangan ini akan mendapat sepenuh-penuh kejayaan.